



Llywodraeth Cymru  
Welsh Government

# **Dadansoddi data eilaidd i ddarparu tystiolaeth am y sector Gofal Plant yng Nghymru**

## **Crynodeb**

Dyma gyfle cyffrous i wneud lleoliad gwaith ar brosiect ar ran Llywodraeth Cymru. Ffocws y prosiect yw cynnal dadansoddiad o set ddata arolwg mawr o ddarparwyr gofal plant cofrestredig yng Nghymru. Bydd yr ymgeisydd llwyddiannus yn gweithio'n agos gyda swyddogion Llywodraeth Cymru a rhanddeiliaid i ymchwilio i amrywiaeth o ganlyniadau ymchwil a'u datblygu, a chefnogi Llywodraeth Cymru yn ei phroses ymchwil. Bydd yr ymgeisydd yn cael y cyfle i ddefnyddio sgiliau ymchwil mewn amgylchedd polisi, gweithredu sgiliau R a sgiliau dadansoddi data meintiol i set ddata bresennol, i ddatblygu mwy ar ei sgiliau cyffredinol (megis ysgrifennu adroddiadau a gwneud cyflwyniadau) a chyfoethogi ei wybodaeth am ymchwil y tu hwnt i faes academiaidd.

## **Y sefydliad**

Llywodraeth Cymru yw'r Llywodraeth ddatganoledig ar gyfer Cymru sy'n gyfrifol am yr economi, addysg, iechyd a'r GIG yng Nghymru, busnes, gwasanaethau cyhoeddus ac amgylchedd Cymru.

Yn benodol, bydd yr interniaeth wedi'i lleoli yn yr Is-adran Tystiolaeth a Chefnogaeth ar gyfer Cydraddoldeb, Tlodi a Phlant (EPCESD). Mae'r is-adran hon yn chwarae rôl hanfodol yn cefnogi'r Gyfarwyddiaeth Cymunedau a Chyfiawnder Cymdeithasol a'r Gyfarwyddiaeth Gofal Sylfaenol, Iechyd Meddwl a Blynyddoedd Cynnar sy'n anelu at hyrwyddo lles unigolion, teuluoedd a chymunedau a'u ffyniant economaidd. Trwy ddarparu cefnogaeth ymchwil, dystiolaeth, cynllunio a chyllid i wneuthurwyr polisi, rydym yn cefnogi ystod eang o flaenoriaethau ar draws y ddwy gyfarwyddiaeth, sy'n cynnwys:

- Hyrwyddo'r blynyddoedd cynnar a sicrhau bod plant yn cael y dechrau gorau mewn bywyd.
- Darparu cefnogaeth i rieni er mwyn sicrhau lles plant a helpu i sicrhau eu bod yn cyflawni eu potensial.
- Cynyddu'r ddarpariaeth gofal plant a chwarae sydd ar gael sy'n fforddiadwy ac o ansawdd.
- Taclo Phrofiadau Niweidiol yn ystod Plentyndod (ACE) drwy fabwysiadu dull ataliol a meithrin gwytnwch i wrthsefyll eu heffaith.
- Mynd i'r afael â thlodi plant
- Hyrwyddo hawliau a chyfranogiad plant a phobl ifanc.

## Yr interniaeth

Bydd y prosiect yn canolbwyntio ar ddadansoddi data arolwg a ddarperir gan ddarparwyr gofal plant yng Nghymru yn eu hymateb i'r Datganiad Hunanasesu Gwasanaeth (SASS), arolwg a weinyddir gan Arolygiaeth Gofal Cymru. Mae'r ffurflen flynyddol SASS, yn cael ei gwblhau gan bob darparwr gofal plant a chwarae yng Nghymru. Mae'r wybodaeth hon yn cynnwys popeth o sgorau hylendid bwyd i gymwysterau'r staff. Cytunir ar y set lawn o ddadansoddiadau i'w gynnal ar ddechrau'r interniaeth.

Bydd yr interniaeth yn gyfle cyffrous i weithio wrth galon Llywodraeth Cymru. Bydd yr intern yn gweithio'n agos gyda swyddogion polisi ac ymchwilyr, a bydd cyfle iddynt roi eu sgiliau ymchwil ar waith mewn amgylchedd polisi, i ddatblygu mwy ar eu sgiliau cyffredinol (megis ysgrifennu adroddiadau a gwneud cyflwyniadau) a chyfoethogi eu gwybodaeth am bolisi.

Bydd yr ymgeisydd llwyddiannus yn elwa ar gyfleoedd datblygu a gynigir yn ganolog gan Lywodraeth Cymru, a gall hyn gynnwys mentora, cysgodi, cefnogaeth gan gymheiriaid a hyfforddiant.

Bydd interniaid yn elwa ar y profiad o gydweithio'n agos â Llywodraeth Cymru:

- Meithrin gwell dealltwriaeth o'r byd y tu allan i'r byd academiaidd a chynyddu cyflogadwyedd, gan ddefnyddio eu gwybodaeth a'u sgiliau i gyfrannu at waith Llywodraeth Cymru.
- Gall cydweithwyr yr intern yn Llywodraeth Cymru gynnig goleuni pellach ar ei brosiect PhD a all gyfrannu at lwyddiant y thesis, yn ogystal â chyfleoedd rhwydweithio o fewn y maes polisi sy'n gysylltiedig â'r maes ymchwil
- Datblygu sgiliau a gwybodaeth trosglwyddadwy, gan gynnwys sgiliau codio R, sgiliau dadansoddi data meintiol, sgiliau rheoli amser, sgiliau cyflwyno a sgiliau ysgrifennu adroddiadau

## Y prosiect

### Dadansoddi data eilaidd i ddarparu tystiolaeth am y sector Gofal Plant yng Nghymru

Mae Llywodraeth Cymru wedi ymrwmo i sicrhau bod pob plentyn yng Nghymru yn cael y dechrau gorau posibl mewn bywyd. Mae'r blynyddoedd cynnar yn hanfodol bwysig ym mywyd plentyn, gan ddarparu cyfleoedd ffurfiannol a gosod y sylfaen ar gyfer dysgu a datblygu tymor hwy. Mae buddsoddi mewn gofal ac addysg blynyddoedd cynnar, fel y nodir yn ein gweledigaeth ar gyfer Chwarae, Dysgu a Gofal Plentynod Cynnar, yn allweddol i hapusrwydd a lles plant ac yn gosod plant ar y llwybr i gyflawni eu potensial llawn.

Mae gan Lywodraeth Cymru ddwy raglen gofal plant a ariennir sy'n cefnogi plant a rhieni yn y blynyddoedd cynnar. Hynny yw'r elfen gofal plant o'r rhaglen Dechrau'n Deg<sup>1</sup> a'r Cynnig

---

<sup>1</sup> [Cael help gan Dechrau'n Deg | LLYWODRAETH. CYMRU](#)

Gofal Plant i Gymru<sup>2</sup>. Ar hyn o bryd mae gofal plant a ariennir gan y Llywodraeth ar gael i rai plant o ddwy oed.

Mae Arolygiaeth Gofal Cymru yn rhannu'r darn o ddata arolwg SASS gyda thîm tystiolaeth CFC bob blwyddyn er mwyn i'r dadansoddiad gael ei gynnal. Mae adnodd data<sup>3</sup> wedi'i gyhoeddi ar wefan AGC sy'n cynnwys data am y ddarpariaeth yng Nghymru. Mae hyn yn cynnwys data lefel uchel yn unig am ddarpariaeth gwasanaethau gofal plant a chwarae yng Nghymru.

Nod y prosiect yw:

- Archwiliwch ddata SASS yn fanylach nag sydd wedi'i gyhoeddi ar hyn o bryd yn yr adnodd data gofal plant a chwarae ar wefan AGC.
- Penderfynu ar linellau cwestiynu data SASS y byddai swyddogion polisi yn yr is-adran Gofal Plant, Chwarae a Blynnyddoedd Cynnar yn ei chael yn ddefnyddiol ar gyfer penderfynu polisi a chyflwyno.
- Cynnal y dadansoddiad ar y data SASS. Gall rhai awgrymiadau cychwynnol ar gyfer cwestiynau i'w harchwilio yn y data gynnwys:
  - Beth yw nodweddion darparwyr gofal plant yng Nghymru sy'n gysylltiedig â sgôr arolygu uwch?
  - Beth yw nodweddion darparwyr gofal plant sy'n cynnig darpariaeth a ariennir gan y llywodraeth (h.y. y cynnig gofal plant / gofal plant Dechrau'n Deg) sy'n gysylltiedig â sgôr arolygu uwch?

Yr allbynnau a ragwelir ar gyfer y prosiect:

- Cyhoeddi adroddiad Ymchwil Cymdeithasol gan y Llywodraeth.
- Copi o'r sgript / cod R a ddefnyddir wrth ddadansoddi'r data SASS fel y gellir atgynhyrchu hyn gyda fersiynau o ddata'r arolwg wedi'u diweddarau yn y dyfodol.
- Rhoi briff ysgrifenedig i Weinidogion a swyddogion yn amlinellu'r canfyddiadau allweddol o'r dadansoddiad.
- Cyflwyniad i gydweithwyr dadansoddi a swyddogion polisi ar y canfyddiadau Cyfrifoldebau a gofynion yr interniaeth

## Cyfrifoldebau a gofynion yr interniaeth

Bydd yr interniaeth yn para am gyfnod o hyd at dri mis. Disgwylir i fyfyrwyr llawn amser gamu'n ôl o'u PhD i ganolbwyntio ar yr interniaeth am ei gyfnod, yn unol â chanllawiau ESRC ([Canllaw Cyllido Ôl-raddedig ESRC tud. 27](#)). Anogir ceisiadau gan fyfyrwyr rhan-amser.

Rhagwelir y bydd yr ymgeisydd llwyddiannus yn gweithio mewn ffordd hybrid rhwng adref ac un o swyddfeydd Llywodraeth Cymru yn ystod ei interniaeth. Gall hyn newid yn ddibynnol ar bolisi Llywodraeth Cymru. Bydd unrhyw newidiadau i drefniadau gweithio yn cael eu trafod gydag ymgeiswyr llwyddiannus.

---

<sup>2</sup> [Cynnig Gofal Plant i Gymru | Help gyda chostau gofal plant Cymru | LLYWODRAETH. CYMRU](#)

<sup>3</sup> [Adnodd Data Hunan Gofnodedig Gofal Plant a Chwarae](#)

Bydd yr interniaeth yn para am gyfnod o 3 mis amser llawn neu'r hyn sy'n cyfateb yn rhan-amser. Ar gyfer fyfyrwyr sydd wedi'u cofrestru yn rhan-amser, mae'r interniaeth hon ar gael yn rhan-amser dros gyfnod hwy (dim llai na thri diwrnod yr wythnos waith), i'w negodi rhwng Llywodraeth Cymru a'r ymgeisydd llwyddiannus. Os hoffech gael eich ystyried ar sail ran-amser, nodwch eich dewis oriau gwaith ar y ffurflen gais.

## **Manyleb myfyriwr**

Mae Llywodraeth Cymru yn chwilio am unigolyn brwdfrydig iawn sy'n meddu ar sgiliau ymchwil. Bydd yr ymgeisydd delfrydol yn cael ei ysgogi i ddatblygu ei sgiliau a'i brofiad ei hun trwy ymgymryd ag ymchwil a fydd yn cyfrannu at hyrwyddo polisi cyhoeddus a gwneud penderfyniadau yng Nghymru.

Meini prawf hanfodol

Sgiliau ymchwil:

- Gwybodaeth am becynnau dadansoddi data perthnasol, fel excel neu R.

Cyfathrebu:

- Y gallu i gynhyrchu allbynnau dadansoddol a dogfennau wedi'u hysgrifennu'n dda sy'n cyflwyno deunydd technegol mewn fformat hygyrch.
- Y gallu i gyflwyno gwybodaeth dechnegol i gynulleidfaoedd annhechnegol.

Rheoli amser

- Sgiliau rheoli amser effeithiol i gwrdd â therfynau amser y prosiect a sicrhau bod pob tasg yn cael ei chwblhau erbyn diwedd yr interniaeth.

## **Dyddiad dechrau'r interniaeth**

Mis Ionawr 2026 (union ddyddiad i'w drafod). Efallai y bydd rhywfaint o hyblygrwydd yn dibynnu ar amgylchiadau unigol.

## **Cyllid a chostau**

Gellir talu costau teithio rhesymol i fyfyrwyr nad ydynt fel arfer wedi'u lleoli yng Nghaerdydd. Dylai ceisiadau fod yn gyson â chanllawiau sgol Graddedigion Gwyddorau Cymdeithasol Cymru (YGGCC). Ni fydd ceisiadau gan fyfyrwyr sydd angen cyllid ychwanegol ar gyfer teithio a llety yn cael eu trin yn llai ffafriol. Os oes gennych unrhyw ymholiadau am hyn, cysylltwch â Katy Marrin [Katy.Marrin001@gov.wales](mailto:Katy.Marrin001@gov.wales) a Jo Coates [Joanne.Coates@gov.wales](mailto:Joanne.Coates@gov.wales)

## **Diogelwch**

Mae gweithdrefnau fetio Llywodraeth Cymru (sy'n berthnasol i staff dros dro yn ogystal â staff parhaol) yn cynnwys cwblhau ffurflen gais Safon Ddiogelwch Safonol ar gyfer Personél (BPSS) a Holiadur Diogelwch ar gyfer y broses fetio.

Mae'r broses hon yn gofyn i'r ymgeisydd gyflwyno tri math gwreiddiol o ddogfen adnabod. Dylai un o'r rhain fod yn ddogfen â llun (pasbort, trwydded yrru newydd), dylai un ddogfen ddangos y cyfeiriad presennol, a gallai'r trydydd math fod yn fil cyfleustodau, tystysgrif geni, P45 neu P60.

## **Gofynion cenedligrwydd**

Mae bod yn gymwys i gymryd rhan mewn prentisiaeth ar y cynllun hwn yn dibynnu ar gwrdd â rheolau cenedligrwydd y [Gwasanaeth Sifil](#). Gwnewch yn siŵr eich bod yn gymwys cyn gwneud cais. Ni all y rheini sydd ddim yn cwrdd â'r meini prawf cymhwysedd gymryd rhan mewn gwirfoddoli.

## **Ymholiadau**

Dylid cyfeirio unrhyw ymholiadau ynglŷn â'r post neu'r broses ymgeisio i

### **Hannah Davies**

Prif Swyddog Ymchwil  
Hannah.Davies018@gov.wales

## **Hysbysiad preifatrwydd**

<https://www.llyw.cymru/hysbysiad-preifatrwydd-llywodraeth-cymru>